

聖宋名賢五百家播芳大全文粹卷第八十七

祭文

名賢 尊官

祭馬處厚文

趙 承之

我思古人世遠莫即堂堂馬公有遺直我思仁祖英宗之時堂堂  
馬公吾及見之汲黯在朝姦賊奪氣子產治民沒有餘惠堂堂馬  
公兼此數器衛武雖老戒慎愈篤子公有子高門是卜堂堂馬公  
鄉食是全福昔帝疇咨並起耆老嗟來馬公薦紳是保誰私黨仇力  
判同異公老而歸亦以類廢明明天子建中靖國還公故官閔勞  
以力公不愠喜曰維順天天不我留去之超然昔我先子佐官朔  
方逮及不肖亦升公堂天降虐罰先君弃余公遣使人來撫諸孤  
感公之恩疆不即死公今去亡我亦誰恃先民有言匍匐救之我  
不勇往顏其厚而尚想平生薦是牢醴事公如存我不敢替尚享

祭路持正文

公之盛德茂烈見諸行事而深功厚澤被於黎元言行於朝廷而著以爲法行顯於天下而師以爲範者固已炳煥卓偉抑無特於名言若夫隱謨奧美淵潛海蓄所可耳聞而目見者則必俟夫門生之載與故吏之傳蓋公忠於爲國而恕於接下其興利除害好善疾惡皆出於天性之然明可以折豪髮而察不傷物剛可以沮金石而怒不過奪然老歟宿猾望風震疊每若負芒刺而臨深淵搏擊豈彊繩治姑息勇於立政不自顧計凜乎如嗜欲之當前錯綜萬事探隱索伏聰明精擇迎見逆解動捥制於幾先威儀矜嚴祠令爾雅雅容劇談聽者忘倦若瀉萬壑而注乎川待士有常馭吏有躄而甄別流品將大激後進幾於廢食與忘眠如某之不肖者昔忝爲吏其提挈誨誘志於就者無異乎父兄之愛憐感恩荷德刻肌鏤骨思欲圖區區之報者意未晚也乃遽隔於重泉赴官東南道宋之鄙望公門而不忍進者紛涕淚之如連嗚呼死生終始公知之矣則人間哀樂與夫得喪榮辱公豈復念於斯焉而尚想平生設薦肴肉者故吏之禮也願公來飲此酒以叙決於終天

祭王正孺文

崔 正言

嗚呼元豐之初君來穎濱君時尚少姿已不群自我見之垂三十年約已小心吾無間然君既出仕我竊科舉各天一方乖其出處曠絕音騰矧諧笑語我後三年罷秩陝西間關千里見君京師君兒益豐踰初見時謂君貴富又登黃耆我哀我孱豈復能久建中改號我還韓城見君之季以及友朋去得君書遂還里閉匪朝則夕見君之面後此五日我謁擇之去有人來君病甚危血釀于隴雖已獲治平再弱其足又黯其肌其季往視單馬疾馳中見覺師訊其安危曰君無恙笑溢于顏寂後擇之乃告我去夜聞哭聲哀動四隣起往聽之君家哭君見君仲父曰是延叔來慰其家相持慟哭我聞震駭搏掌失聲我若人而損其齡如我多病反餘其生我聞君母綽有賢聲玉潔霜嚴古之老成克齊其家又撫孤子君雖闔棺可以無事君其有知聆我數言尚肯一來飲此酌尊

祭徐德占文

黃魯直

嗚呼德占文足以弼亮天工武足以折衝樽俎識足以超萬人之  
毀與言量足以任百世之榮名璞玉渾金未加繩墨不借一臂而自  
發於林丘大臣歌肯來之詩天子興見晚之歎一日而三錫命驚  
動漢朝試之難能無一不可迎刃而解事無全牛決獄大疑手平  
如水論議魁壘氣吞西州鯤之爲鵬垂天其翼志九萬里未出戶  
庭山覆於前天作奇禍忠肉義骨豺狼甘心魏魏堂堂萬事盡矣  
嗚呼哀哉惟時睿聖制作斯文顧申公之無奇倚壺遂以爲相提  
師十萬墮虜計中凶語上聞天光震動嗚呼身膏原野而葬衣冠  
於故土親逢堯舜而即萬鬼以爲鄰自古以爲才難才者又至於  
此臨其穴惴惴其慄嗚呼奈何酌酒祖行能復飲否心折無幾有  
淚如江嗚呼哀哉尚享

祭范叔才郎中文

嗟嗟叔才夫畀厚矣不畀其全穀祿之不腆嗣世之不傳不得分願  
又不得年懷利器而不識置生人之多難嗚呼哀哉高明如山萬  
仞壁立軒昂人群富貴其集倚堦青雲方獲初級而官止一省郎  
壽不過四十彼青雲之諸公君視誰其不及嗚呼哀哉君材敏彊  
處決若流游刃恢恢不見全牛笑談樽壺吏功舉修推其贏餘逮  
及寮友揚善補過了寧握手極君之能劇劇撥煩雖君怨仇不能  
間言康彊食飲摺笏垂紳卧病幾時一別終天塗窮日沒萬事盡然  
清明競爽窘拘一棺燔妻孤女主哭几筵嗚呼哀哉旆旌西飛歎  
聲滿路莫如予悲婚姻之故酌酒祖行君不能舉臨觴大哭淚落  
盈俎嗚呼哀哉尚享

祭周晉叔文

黃魯直

豫章黃庭堅洛下王琳謹以清酌時羞之奠致祭于亡友晉叔周  
兄之靈嗚呼晉叔遂至于斯大奪善人賢愚一詞自古皆有死君  
子以息君年四十則奪之亟終日怡怡恭順孝慈一朝失之誰能  
不悲君材齊敏練達世故風雨如晦不渝其度雍容和平不驕色

聲事不後時物無復情庭堅在僚傾蓋如舊琳厚君游義兼昏友  
平時相從尊壺亦其勸善與過笑言嘻嘻一日不見使人詠思寄  
聲安不借問宿昔子不來過我必往即萬事渠盡華堂山阿無復  
見時嗚呼奈何問君何之君不能語祖延一觴其淚如雨尚享

祭張都曹文

王

禹偁

嗚呼箕子五福富壽居其先仲尼四科德行稱其首觀昔賢與今  
人鮮全美而兼有顏回夭兮黔婁貧荷頓富兮錢生壽何倚伏兮  
迭用若是非之相糾理歸於休死勞生數定兮陽奇陰耦苟履行  
之克數亦脩短之何咎公之生兮德行著明公之歿兮窮天相并  
始也由鄉老兮入貢議春官兮策名佐百里兮子賤邑糾六曹兮  
闔閭城孜孜兮官業洋洋兮政聲孰與寒冰飲之兮若酒若醴孰  
謂苦饑食之兮如薺如萍拂旣塵無垠望雲衢兮有身何伐賢兮  
其速何福善兮靡誠林先摧兮木之秀風忽敗兮蘭之英位且卑  
兮郡主簿官不達兮廷尉評高堂有親兮祿方及明堂有君兮志

未行千里之駒兮玄黃忽至至六月之鳥兮羽翼不成天難忱兮  
徒蒼蒼蒼命靡常兮休營營賦吏憧憧兮天獄弗拘貪夫碌碌兮陰  
刀弗誅甘貧守正兮時不我與終窮且天兮叫天無辜孀孀兮影  
兮身榮榮嬰稚疇衣兮聲呱呱啟手足兮室如磬離鄉園兮田將  
蕪同年灑淚兮隨丹旆故吏號空兮繫轎車車離離兮茂苑水悠  
悠太湖生死兮永訣幽冥兮路殊願臧孫兮有後諒嵇紹兮不孤  
爾翁我公兮言且定一死一生兮心不渝壽器去兮將何之玄宮門  
兮無見期白日兮西匿皇天兮無知痛吳門兮秋色埋蜀柳兮春  
姿望九原兮眞寔成萬古之別離舉爵欲奠悲來切肌頓繫兮猿  
籍醪醴兮淋漓諒眞魂兮不昧歆薄奠兮來思尚享

祭馬圯大夫文

王

介父

嗚呼惟君才敏彊明爲時能吏剴劇撥煩易於屈指近畏遠懷有  
譽無些便于嶺南俗易夷鄙江東內遷厥勢萬起孰云一朝壽止  
如此摠懷以辭薦此薄菲



祭姚大夫文

黃魯直

惟公敦大忠純表裏披盡孝友兄弟家無間言蔬食葛衣同一緼袍起佐州縣亟聞能聲或裨或專民戴父母飲冰食蘗力難自修十年去思由在嶺表晚以輿命牧民廬陵維此廬陵險而健訟有政於此牛羊治之公來殊科有鋤有植鋤斲彊梗植培柔良夙夜在公問人苛痒小心畏義罔漏一毛半罰十笞匪躬不決民信吏畏公不處休公力勞動以疾卧閣公不朝食人皆失聲嗚呼哀哉先子及公同陞吏部小人得邑實佐下風公不吏之曰故人子以官上府館置燕私恤其旨甘乃訪民瘼盛德往矣誰庇誰師哭公寢門日陰雨几筵如昨公不升堂祖車在塗公不就馬牲肥酒潔公其來嘗滄江東逝有淚如此嗚呼哀哉尚享

祭王中奉文

趙承之

愛雖罔極難窮孝子之情喪亦有終敢廢聖王之制再悲舊穀共哭老成歷刺五州祿既登於萬石繼生雙桂秀獨擅於一枝壽康備饗於平時榮耀愈彰於身後某等咸預鯉庭之下客竝游儉府之清池誦遺愛以永懷願師子產入高門而賓涕不見于公敢陳芬苾之羞用極慘傷之意公實如在祭其必歆哀哉尚享

祭王天經承議文

趙承之

傾蓋之交有如夙昔闔棺之歎遽隔平生謂難老於百年乃弗興於一病猿驚鶴怨永垂舟壟之期木壞山頽无復綵衣之樂聊薦羞於嘉旨異來格於碩歆惟君之悲使我出涕嗚呼尚享

祭王承議文

以公爲達邪而仕不過於郡吏以公爲窮邪而行可法於鄉人以公之歿爲无恨邪而壽不足以配其德以公之生爲有懷邪而子既能以顯其身彼死生之理公固原其終始則得喪之際人何用於悲欣凡此服官之列與夫慕義之倫其所以聞訃而太息落淚而沾巾者乃不忍吾僚之戚以遽失其規則飲食之菲惡酒醴之儉薄皆不違恤蓋姑以共致其悲嗚呼尚享

祭畢朝請文

黃 曾直

惟公才能應世事實副名靡職不宣飛聲紫庭持節閑隴吏清刑  
平天子惠遠擇牧廬陵以公來戶方且圖功此邦風土教訟懷律  
聞公明慈望風投筆公來勤勞直寃問疾三月報成小大如櫛燕  
及縣邑簿領暇送天開粉省養育丞弼期公入踐膺受百祿如何  
鞠凶風火遘災猶不告病聽民郡齋人望公起柰何永歸生存華  
屋稿木四壁大旆高牙銘旌數尺升堂笑語兩淚來哭有芳酒潔  
公不能嘗文以為哀衰涕隕觴哀哉尚享

祭李承議文

人具五福曠世千一觀君初終優入其域壽則耄老富半其州耳  
目聰明胡考之休種德不倦託于有秋子孫繩繩官學皆嫁牖下  
晚歸笑言而化子大夫公有譽薦紳宗族稱穆邦黨歸仁董然慈  
良惟君有之在朝敬恭大夫似之昔我兄息歸君之孫我家不造  
姻姬孔去我投鬼門日與死迫求我食我再見天日君之捐館我  
在戎轅送車百兩莫助引紼南郡安陸不能三舍我馬有羈莫拜  
墓下有肴維旅有酒維醑寓文寫哀文不逮故嗚呼哀哉尚享

祭商通直文

黃 泰之

嗚呼蒼天喪我耆德邦人諸友莫或矜式惟公操履本世所難末  
俗波頹竒立其間錐刀之利人所競馳而公湛然若無以為一經  
教子人曰不切而公終日食不遑咽乃闢義齋于室之西擇師訓  
徒邦人是依有子八人頭角嶄嶄談經解頤議論不凡天子有詔  
廣學育才天下之士于于而來公命諸子勉之于庭士而懷居烏  
足成名者鞭爭先不踰數年蜚聲上憲仕路聯翩公以子貴荐膺  
綸命人皆曰公陰德之應翁媪相對蘭玉滿前人皆曰公五福之  
全今其往矣公亦瞑目我輩鍾焉能不哭斗酒酌公如將見之公  
如有知其鑿于茲嗚呼尚享

祭唐天夫文

趙 承之

故國不忘蓋存喬木典刑雖有未若老成遠興不愆之悲感出無

從之涕凡此同列共懷我公或趨走於龍門素蒙倒屣或追陪於  
驥子相与彈冠嗟杖履之猶新悵音容之莫見卜原其吉諏日既  
良屬拘畏於簡書阻挽牽於哀紼素車白馬已深愧於古人斗酒  
隻雞敢粗陳於薄奠哭則慟矣靈其格思嗚呼哀哉尚享

祭楊大夫文

崔正言

猗欤大夫維德之温我一見之知其恭人詩不云乎民之父母民  
不疵瑕矧我僚友迨其庶士或群或偶論議紛如溢於衆口公居  
其間初不臧否從容曰嘻維是之守嗚呼公乎有實無華我豈知  
公毀譽是加蔽以一言篤於善况於魯國古人之辯嗚呼公乎我  
來視公至於三四見公晏然偃於床第肉尽皮焦不忍熟視予以  
求之于藥于餌金石爲君臣以椒桂焰起煙騰逆於人鼻我驚撫  
席曰公誤矣真水已涸公胡能起冀公易轍起公於死誰其尸之  
曾臯不別耳吾濟罪人亦莫能止徒來哭公何嗟及矣嗚呼尚享

祭俞武節文

汪彥章

嗟予與君同一甲子少而周旋今則三紀况連婚姻情莫君比中  
間倦游雖見無幾見斯忘形笑語終畧稍相離群書輒盈几比聞  
君歸自適生理客來舉觴客去掃軌間嬰微疴旋即拜起云何訃  
音忽到余耳嗚呼哀哉惟君之文貫穿經史揮毫詞場觀者血指  
惟君之材實中煩使一官意行三仕三已余年早衰世味如水三  
靈之陽日拱松梓願還印章同蠟屐齒谿山宛然君則已矣嗚呼  
哀哉人生百年曾不旋趾幾人如君卒以樂死濁醪一樽寄酌于  
里屬辭寫哀并用當誅嗚呼哀哉尚享

祭魏國錄文

張欽夫

嗟乎仕于王朝自一命而上皆得以論䟽時事此古之義而亦祖  
宗之詔也君起布衣服在孝省忠言屢發率閔大躰在它人方且  
蹙縮畏避君輒先之亦可謂毅然有立矣世之議者羣起而求多  
於君此蓋无足怪然君自退歸以來益務自修以書抵予謂將講  
孝進所不逮予得之而歎息以爲異日之所成也

可量者而孰謂天不後也之年牙  
相与之意則甚厚豈謂竟不克識君邪  
莫往致以紆予情尚享

祭魏國錄文

朱元晦

人生而材乃克自貴材者亦多鮮或有志倚欵元復寸英氣豪凌  
空輝遠志節堅高爰自弱齡吉華秀發事賢友仁其聞四達迨夫  
中歲攷古驗今訂以經傳益宏益深聞人之善若獲於己推之揚  
之情曷能已視人之阨若己擠之是拯是救力无有遺波委女丘林  
歲月遲莫聘幣鼎來片言感悟謂當用世遂究厥施誰謂落落乃  
遘其歸二來考繫于澗于陸倭三之忠永矢弗告謂當暫惕尋復  
詔追誰謂一疾乃訖於斯嗚呼哀哉念昔交情兄膠我漆更攻互  
磨兄王我石世途艱險孟門太行兄行我憂兄歸我藏与兄同心  
誰則如我奚必梁丘君可亦可兄實高明卒監此心願託警勵琅  
琅其音訶佛詆巫考礼正俗奉承靡他葬又得上長坂之阿兄所  
樂游孰云茲今有墳其立謂我宜銘亦兄所寄行高文卑祗以為

累日月有時緝繇東芻長慟寢門愧恨何如恭惟神靈尚記疇昔  
感此哀誠來飲來食委妻妾在門往寧厥宮設而不朽君子之終

祭潘朝請文

呂伯恭

昔我見公子舍是階入拜於公笑言惟哈時公謝客羶寒塌埃一  
見傾倒童僕驚猜亟問亟勞厚礼莫偕我官旁郡首問踵來尺牘  
未報赴車告哀永問潜然亟走輿臺潛德幽光孰發氛霾日溥事  
叢莫知所裁矧公視世澹芳寒灰万鎰万箱振窮恤災弃而如遺  
况此也哉諸子之孝希參並柴必誠必信典訓罔乖礼門久闔自  
今其開嗚呼哀哉尚享

祭虞雍公文

張欽夫

惟公起自遠服進登王朝適逢禦敵之辰曾靡辭難之色攘袂獨  
奮力折凶渠之鋒駟車四馳徧當邊圉之寄式符眷意遂正台衡  
堂堂漢相之容赫二周民之望方三年之坐閱指万里以言歸顧  
寵光之互隆在近世而莫比豈期疾遇遽以訃聞帝所咨嗟士增



歎息公之愚贛嘗權推轂之懷論有異同正惟公義之報輒遣薄  
奠用將鄙誠公之英靈實所臨嗚呼哀哉尚享

祭秦致政文

其來桂林訪鄉之老成而將問政焉人士同辭以公為稱首公雖  
已枕疾于家罕接人事然如珠玉之在淵游于其間亦足以借其  
輝潤惟公起自南土取科第歷仕以忘厚廉直稱亦嘗典州有澤  
於民已乃謝於未衰優游鄉閭子孫滿前安恬獲福克享上壽在  
公庶幾乎无所恨矣然公之亡後生失儀刑之尊吾黨之咨詢  
之益是用歎傷為之流涕不腆一奠聊寫此誠嗚呼哀哉尚享

祭邢致政文

嗚呼魯仲生而多艱暫仕輒歸已乃掛冠其才有餘蓋可撥煩曾  
不少試若于家山間止名堂惟適之安窓戶明潔日對弄顏坐上  
客滿不空杯杓且復重義周人急難謂饗壽康而年亦慳我家長  
沙殆若鄉閭故舊共零落為之涕潛昔泉茲堂杯酒相看今來茲堂  
惟白旄丹嗚呼哀哉尚鄉食

祭黃運使文

張欽夫

惟靈敦厚為質而德慈祥惟其所歷阻難備嘗故於民情尤所究  
詳景情直清徐公有常將命領海以身律荒移節來湘風采載揚  
于彼原隰馳駘靡遑謂當終更歸近帝旁如何一朝而奄云亡賓  
席方設語音琅二得疾俄頃見聞駭傷下逮閭里攀嗟傍徨其之  
所居寔迹門墻奔走弗及執手涕浪念言傾蓋意味則長與人之  
周是固難忘疇昔勝日從容且觴豈期於今來哭公堂一奠不腆  
中誠是將嗚呼哀哉尚享

祭趙養民運使

惟靈空源積慶列鼎傳家宣化永流飛聲籍甚盤根錯節游刃恢  
然爰入對於斯朝遂結知於宸衷出綸示寵持節分華民瘼旁咨  
豈憚駘馳之遠邦財益阜坐收歛散之權何一疾之弗瘳不終更  
而歸報王畿結綬未酬葵向之塵夜壑移舟迺起薤晞之歎某雜

承契好茲共官聯笑語如存忽驚於永已酒肴不腆少寄於餘哀  
祭蕭肅運使文

惟公氣和而節剛言訥而行敏視之退然初若不能及其當可言  
之地論議切直風采凜凜中外聳然豈非庶幾乎仁者之勇邪某  
頃在縣列每見公憂時惻怛備形辭色心切期之已而平日之言  
率皆可復益知其所守有素非苟然者來使湘州某適在遠方嗟  
再見之難豈謂九原之隔書猶在手訃忽來傳為時惜賢臨風墮  
涕一奠遣致少述鄙誠嗚呼尚享

祭陳誠老運使文

趙承之

我生贛愚於世寡合雖在造次詞弗自達孤特一介守此區二惠  
然知我曾莫公如公使朔方我官定武霜威雪嚴凜莫如吐揚清  
激濁不借色詞獨我之眷笑語和熙我无公求公願我察雖薦于  
朝公不意愜公來京師我見郊外愍我滯淹發論慷慨我如石耳  
頑不可磨雖鑄之勤其如何維其平生慕義感德冀收毫分以  
報尋尺奈何於此而哭公喪慟今懷昔涕濕衣裳嗟嗟我公剛毅  
正直與人不疑洞示肝臆見善若驚疾惡若讎君子所敬細人所  
尤公實知之不自悔止曰余誰欺吾志則尔出入中外有勞有勤  
其志在國其澤在民白首為郎於用不極我豈私心為世嗟惜敬  
登公堂跪薦嘉首倏然若聞公實在此嗚呼哀哉尚享

祭燕純甫運使文

李成季

天生丞人厥賦惟艱才命奇扁鮮能兩完公起布衣術業自致逢  
辰休明器與時會竭節將輸時惟帝俞雲霄咫尺富貴湏臾將以  
有為曰天啓之忽沮而止夫誰使之嗚呼哀哉在昔神考緝熙太  
平名士輩起異人間升公以政聞擢自縣吏不待咨詢遂專使事  
出入踐更十有餘年進退一節初終兩全紹聖有作命公朔方歲  
荒不登人憂殍亡或屯其膏鍵庾不發公獨上言餒蘇凍活天子  
是嘉擢司計權當劇若簡蒞繁愈閑茫茫百城屹屹西鎮應无留  
神决有餘刃西羌跳踉玩惠弗圖皇赫斯怒將迄天誅師之所興

莫重飛輓自昔謂難公以才選朝奉詔書既夕首路夫豈不懷誼  
不反顧單車駸二百慮一心神因用竭疾以明淫輅乘未温疾痾  
已亟許国忘身憊猶自力告病得請人或謗疑以死勤事歿然後  
知嗚呼哀哉昔我先子遇公山東傾蓋投分天倫是同自茲迄今  
更出迭入通家之好久而愈密天降大酷禍延我先兄弟不肖影  
隻形單貌焉餘生誰恤誰賴庶幾不孤山公尚在堂堂哲人今其  
萎矣雖我則存安適歸矣十歲悲歡兩家興替升堂失声弔孤落  
淚恭致薄奠叙心展誠公不可見惟知拊膺嗚呼哀哉尚享

聖宋名賢五百家播芳大全文粹卷第八十七

聖宋名賢五百家播芳大全文粹卷第八十八

祭文

監司 州縣

祭李提刑文

趙 德莊

嗚呼道之不明崇偽黜真名教所繫特維德人我觀德人既久益  
新居為孝門出為正臣如車斯轍如竹斯筠蔽之一言以直徇身  
公之合族視踈若親孰寒孰飢孰為婚姻間關異縣三族以仁其  
樂愉愉忘憂與貧公之從仕澹然無因丁年擢秀白首逢辰乃心  
王室乃兵乃民其容蹇蹇不愧于神儒夫以起薄夫以淳景短意  
長有悲莫伸我客于公裾履未塵爰瞻啓處私壘竊呻豈期大故  
近出數旬易筭了如有化非淪恨公遠矣妙理莫詢跪茲菲奠苦  
涕盈巾嗚呼哀哉尚享

祭吳提刑文

劉 共甫

嗚呼公平有碩其材其德孔明儒學起家則魯諸生無出其右吏

漢良二千石之聲尹翁歸

其公遺書已存

致

如神寓事必察毫髮無隱則黃穎川之精力至其為民興利除害也則亦庶幾乎召南陽之仁兼是數君子之美而濟之以儉行之以勤故能發迹於墨綬著譽於箕星遂分符而作牧廼騰茂而飛英迨其持節故里則明目張膽凜然風采有志於澄清上多公才宜在朝廷峻壘圖之寓直將入補於公卿何一疾之不可起奄委化而歸真嗚呼哀哉惟其與公交遊四世又重之以婚姻予生多艱貌焉零丁公獨哀其困而忘其愚眷然撫我同我父兄公歸自南載歎公門樽俎笑談酒酣氣振太白引醕愧我不能謂公百年壽社且寧曾睽離之幾日而忽兮去我不可復見也恍不知涕泗之縱橫富貴壽考於公何憾而予所以咨嗟嘆息之至於失聲而長號者痛父友之無幾傷者舊之凋零陳辭致奠以寫哀誠舉此觴而鯨吸尚髮髮弗於平生嗚呼哀哉尚享

路祭李提刑文

趙德莊

嗚呼述公之來赤帷輝二今公之去丹旄依依突不黔炊馬不解機密雲不雨如此歲飢彼美漳南公居如歸去之十年臨以繡衣民曰吾公慈我匪威或者老焉郊園水磯孰知俯仰弔慶已非江空風哀行路所敬矧我簞簋夙仰音徽一觴致較忍與公違尚享

祭萬提刑文

張欽夫

惟兄植德忠厚親身謹嚴早策名於雋科遂翬英於賢軌對揚天陛蓋嘗膺綸綍之褒周旋坤維所至有袴襦之詠爰因郡最益究外庸漢水詳刑茂著平反之實嚶門易節有增刺舉之光方聞趨召之恭忽駭抱病之報竟茲奄忽實重痛傷載惟門戶之衰正竊棟棠之庇永言流涕莫喻此情恨以阻脩無因奔走一奠不腆鄙誠是將嗚呼哀哉尚享

祭王補之安撫文

黃魯直

嗚呼補之疇耦有數天不能權跼耆回天留照施姪無若之歸之天以道觀之其種則然嗟二補之遂至於此人亦有言諸



不死我觀使君祭悴不易則於死生如時改塞如浮屠人割之不  
瞋彼旁觀者然然嘆呻我觀使君忠厚而文天地仁氣成此粹温  
中和惠宣民神是享孝慈雍睦收族教養德義祈祈充實有輝雖  
其怨仇不能間非爰初筮仕以文自挽翔翔臺閣自以遲晚投筆  
執戈圖萬里侯不得當虜白首防秋撫師瀘南方牧拭之英州騏  
驎便蕃錫之使君為州撫夷若夏詩書禮樂遠近柔化舉用文武  
當其望能威而不怒慈哀勸懲吏奉繩墨民勤耒耜其罷而歸父  
老出涕解印礫明忽其實傾州人震驚驚哭之失聲桃李不言下自  
成蹊哭李將軍今猶退之竄潮維桂林伯遣從賢事平遂臣色使君  
於我無平生歡自我投荒卹予飢寒有白頭新有傾蓋舊五月渡  
瀘一笑握手誰云此別遂隔終天臨風寓奠有淚如川嗚呼尚享

祭潭州劉安撫文

崔 德符

猗嗟厚之美秀而文聲名摩空始以賦聞高步兩京追其絕塵置  
酒潁川同時七人槃薄賦詩揮翰知神夜雪涵堦燈火星陳扶携

醉去笑語紛紜我航大江乞食于筠公馳使傳來自峨岷麾節旗  
毒霧溢于江濱意其眼額有驕其群亦既見止其德滋温其豪矜韜  
以深淳再見其詩老語彌新超然巧不見斧斤潁水之歡三十  
秋春六豪垂散光影俱泯獨遺一老皮骨僅存白髮脩脩垂領如  
銀念雖未死憂疾纏身欲臨其穴有志莫申涕泗從之被髮沾巾

祭甄總管文

張 欽夫

惟靈早以忠義赴乎功名排難解紛之時有投幾應變之知慷既  
辭氣感動三軍謂當究於設施乃繼遭於排抑逮于晚歲再逢當  
宁之知旋即九原莫展据鞍之願考先世平江之牘想一時共濟  
之人念事會之多違歎奇才之難得屬茲假守適值喪舟薄奠薦  
誠臨風增愴嗚呼哀哉尚享

祭劉參議文

朱 元晦

惟公文足以取高科才足以躋顯仕踐揚中外三十餘年吳閩之  
鄉自尉而令康新之郡由貳而專白首斑衣內慨懽於榮養朱幡

毛蓋外益謹於承宣旋登王畿出叅幕府人謂低徊而不偶公獨  
逶迤而泰然方將告休天朝言歸故里棲神乎香火之社玩意乎  
詩史之編何一病之不瘳遽百年之難料悵轎車之既駕倏丹旒  
以孤翩行路酸辛知名悼恨而况邦人與邑子孰不齎咨而涕連  
嗚呼哀哉某以孤童早依仁里無所肖似獨荷知憐登高寫懷每  
激紛而近後探囊搜秘或拏攫以爭先以至發廩築倉移粟既同  
憂而共喜如合病以齊痊惟此好之難忘感餘生而自悼舉空觴  
而一慟聊永訣乎終天嗚呼哀哉尚享

祭宋叅議文

張 欽夫

哀哉子飛而至然邪孰無憂患君何酷邪始聞哭子繼曰悼亡念  
君之親白髮在堂留未幾日亦以訃傳想君摧荒曷任曷全作書  
吊君下筆不忍道阻且長畏聞來信哀哉子飛身竟隨之臨風泣  
然為君涕洟如君古德所遭乃爾惟命不齊孰主張是陽山識君  
今兩周星離合不常交情愈親湘岸之別自夏徂秋詩墨未乾君  
已不留有曩者殯誰其收之婉孌兩孫誰其周之里有公隣有君  
子話言平生當亦任此我獨在遠莫克奔馳一奠往致哀哉子飛

祭宇文太守文

張 欽夫

席慶鼎鍾之門留心帝布之事籍甚壯歲蔚然懿文况德履之素  
寬復天下之有裕宜昌遠業克繼先猷方小試於偏州固已稱於  
惠政未結主畿之綬忽移夜壑之舟宣室受釐不復賈生之召桐  
鄉奉祀空留朱邑之名某適守遐方遽承來訃載誦渭陽之什涕  
隕盈襟緬想佳城之阡心馳執紼

祭宇文太守文

趙 承之

岷峨之山江水出焉磅礴蕩摩怪珍發焉維山降神生伯脩甫來  
賓于主作帝心膂維伯脩甫其德孔碩秉心塞淵好是正直帝曰  
欽哉余績汝事于藩于宣四方是試人亦有言神勞志疲位尊官  
高闊略細微惟伯脩甫毅然不苟决滯繩姦豪分髮剖人亦有言  
觀勢厚薄炎者可附寒者可略惟伯脩甫淡然與夷殺豐齊同不

借色詞人譏其間而慕其清既疾其公亦畏其平會稽之政燕及  
閭里逮去而思豈弟君子昔我來矣見公于杭舊吾君之告于今不  
忘謂江之廣一葦可橫謂魯之遠我聞柝聲如何卒然公以訃至  
尚其狐疑意曰夢寐嗚呼嗟夫公計審矣命之不淑涕淚墮矣惟  
越之人哭公為尤我陳其哀以贊醪羞嗚呼哀哉尚享

祭秦宣州文

趙 德莊

衆萬之生變化而嬗有炳其靈則匪偶然維山之松維淵之龍豈  
不一氣英異所鍾赫赫宗臣出于建業公其伯氏唐棣之擘火德  
紹明賢雋並奮思公雖動閣才以自進蚤更鴻漸晚乃魚躍以德以  
言于臺于閣勸講清燕紬理秘功掌我帝制光于典墳出入十年  
功盛業茂甘泉之游四國之守名聞在人匪夔伊臯歸視其家匪  
蕭伊曹往鎮于宣實股肱郡天子曰嘻予以自近相彼大邦莫如  
湖樂顯庸惟舊遺愛如昨公拜稽首登車有光蔽帝之陰未移甘  
棠泮泮秦淮我祭我榆盍歸乎來先人之廬父老歌呼賀者接迹  
壺漿未陳乃薦藥石嗟湖之人思哺思乳豈伊密雲而晉之雨麟  
麟朱轡孰總其惟央央旆旆孰丹其旗閱我畫錦真尔夜臺不知  
其榮歟為此哀世曰公仁宜大而久鼎鉉之華乃見身後天不可  
問道之將衰一鑑云亡百身何追某銜恩未報待見則踈抱其沉  
恨滯此海隅公歸于天神无不在千里一觴寓此永嘒嗚呼尚享

祭杜慶州文

王 介甫

嗚呼慶州一世之英濯 其靈祭祭其明材能稱於天下言行信  
於朝廷孰多其子而不足以齡不肖之身始佐公揚公後來東有  
賜於明昔飲同堂今奠於庭酒有則薄曲豈有維誠再拜事公敢不  
如生嗚呼哀哉尚享

祭党太守文

黃 魯直

惟公慈孝奉親忠勇從軍自微至顯常以策勳公清為郡恐不冰  
雪誰能白髮皎 一節方吐嘉謀蕩賊巢穴如何不淑松摧玉折憂  
民糾 二相 三忽方不見萬事一棺嗚呼哀哉某等趨承下風教誨



擬挈南有樛木失此陰樾昔者賓次今則升堂平生宴笑慟哭馬  
觴嗚呼哀哉尚享

祭李仲良長官文

嗚呼仲良遂至於斯母老妻少君獨何之嗚呼哀哉昔我外妹歸  
君伯氏以是瓜葛不我遐忤元叔無恙我竄荒遐于黔乎焚恤我  
無家我未還東元叔下世急難其誰羞莫實涕萬里遣客來寒來  
温仲良之義如元叔存我病荊州幾死衢路涉夏徂秋君三來顧  
笑語而別忽聞訃音失此豪士使予靈襟白髮在堂不當弃去有  
子有弟君亦何負能人急難立義不傾我與元老能立君名薄歸  
上冢不得身往馬莫一觴君其尚享

祭章道祖通判文

葛謙白

嗚呼縞紵朋遊之好草木臭味之同相從於親串者三十餘年矣  
其宅誠寓眷恩繁意縵未嘗少異於初終方彼此之妙齡競逸氣  
於長江寄風月於吟賞共文史於三冬文楸落子殆莫知其晝夜  
長鯨飲酒又何計夫斗鍾譬猶女蘿之蔓寅緣暮歷天矯屈曲  
而依乎參天倚壑之長松泊年齒之各壯思櫻寧而紛封規彫華  
而復樸每避昭而即蒙共蒲團而跌坐談妙有與真空予所造之  
尚淺且且藉於磨礪譬猶汗血之駒朝幽薊而莫其越而駑馬十  
駕莫得追其蹤豈謂公之年不至於耄耋公之位不至於顯融平  
生之所蘊曾一毫之未展遽得疾而莫攻譬猶吞舟耀日之魚暴  
鱗點額於姑餘之渚不得變化以成龍隆安之壤水秀而山重潛  
隕穹如松檟森如將以爲公之宮丹旄翩如哀笳鏘如靈輶將拍  
乎前峯譬猶埋玉樹於黃壤安能不意慘而心忡也哉觴酒非腆  
盞食匪饒聊致奠於靈几意肪蠶之潛通譬猶揚桴可以致東皇  
而浴蘭可以格雲中也若其痛夫君之不返淚承睫而濡胃則又  
譬猶縈空之雨滴冷砌而洒幽叢也嗚呼哀哉尚享

祭李仲益通判文

趙承之

士生於時所乏惟才或賦其全而命則乖方其平時謂必有偶忽



然而亡將復誰咎嗟仲益甫甚執以文言必顧行文能美身晚官于朝始拜天祿出佐海濱冀自其復噫嘻嗟夫而君病矣斯焉取斯抑曰命矣君來自東在彼江渚我欲見之髣髴笑語今舟實來而以喪歸君不見矣誰知我悲不腆牲醪具薦芳潔逝邪存邪與君一訣嗚呼哀哉尚享

祭方發判文

趙德莊

嗚呼公乎魁梧挺特宜貴而不壽也直諒精明宜用而不偶也車攻馬良竟奚首也豈人皆然天獨否也嗟惟我曹公所友也以官為僚或先後也去我而南未云久也秋風登臨記携手也李白大呼倒觴酒也神毫氣振照衰醜也視公松筠我蒲柳也寧知別袂古今剖也嗚呼公乎合散消息殤猶可也賢子懿孫庶不朽也尉公平生可无負也濤江云云望莫扣也有悲歎伸薦此缶也尚享

祭儲經屬文

張欽夫

惟虛早以藝文有聲場屋晚持莫府簡默自將故鄉渺然羈懷莫寄因循一賦遂至沉綿獨資同僚共卒終事嗚呼可哀也夫尚饗

祭陸教授文

朱元晦

學匪私說惟道是求苟誠心而擇善雖異序以同流如我与兄少不並遊蓋一生而再見遂傾倒以綢繆念昔鵝湖之下實去識面之初兄命駕而鼎來載季氏而與俱出新篇以示我章懇二而无餘厭世季之支離求易簡之規模頌予文之淺陋中獨疑而未安始瑩徹於肯次卒紛激于談端徐度兄之不可遽以辨屈又知兄必將返而深觀遂逡巡而善返悵猶豫而盤旋別來幾時兄以書來審前說之未定曰予言之可懷逮予辭官之未獲停驂道左之僧齋兄枉車而來教相與極論而无猜自是以還道合志同何風流而云散乃一西而一東蓋曠歲以索居僅尺書之兩通期杖屨之肯頤或慰滿乎予衷屬者乃聞兄病在床亟函書而問訊并裹藥以携將曾往使之未返何來音之不祥驚失聲而墮涕沾予袂以淋浪嗚呼哀哉今茲之歲非龍非蛇何獨賢人之不淑屢與吾黨之

深嗟兄治已之尤粹儼中正之无邪至降心以從善又豈有一毫之私耶嗚呼哀哉兄則已矣此心實存炯然參倚可覺惰昏孰泚予衷一慟寢門緘辭千里循此一樽嗚呼尚享

祭賈知縣文

張 欽夫

惟我別墅與君隣墻春朝秋夕幅巾倘伴湘西之別我獨憂君爾然其癯願言愛身甫茲半載遽以訃傳推案愕眙繼以泣然惟君之才疏通而敏惟君之行友睦以謹曾未究施而止斯邪道阻且長予之悲邪嗚呼哀哉尚享

祭何知縣文

朱 元晦

維淳熙三年歲次丙申正月戊申朔越十日丁巳從表姪具位朱某敢用酒果奠于亡友新善化令何兄叔原之靈曰程氏唱道黃才景從逮罹部黨門館一空惟時東平志道誠篤請操笈簪甘委秩祿勁節孤忠遭難而發身歿言存孰嗣其烈侃二辰州受業于門奉幡報德亦取片奔抱負弗弛退講于家兄克承之以振厥華

惟兄天資高明峻嶒幹父承師允蹈遐轍稽經訂史取友必端博問約守惟義之安孝友廉靜不鍊不競一試其能亦克有政令於湘土適茲間塗去胡不淑而隕其軀兄未病時過我精舍講道論心窮日繼夜既歸而病亟以書來于焉永訣嗚呼痛哉惟兄之明原始及終罔怛于化以病其公上念母親下憐德季遠忠極慮語簡情邈兄子謂予盍銘諸幽外期永世知德是求若兄之賢實我所畏惟其不能詞則靡愧嗚呼痛哉昔我來斯兄出迎門羅列杯觴語笑溫二今我來斯莫此空樽長號大慟兄卧不聞嗚呼尚享

祭胡主簿文

張 欽夫

惟君孝義之德篤乎夫性問孝之志自乎初年疾惡見其公心臨事知其審慮謂當遠大以究所成如何一朝遠止於此聞計之始痛恨則多豈惟歎德門失承家之賢抑亦吾黨失同志之助交遊歲久重以婚姻往哭未能薄禮先致涕零擗臆言不復文嗚呼尚享

聖宋名賢五百家播芳大全文粹卷第八十九

祭文

焚黃

考妣

內親

焚黃祭考君文

趙

德莊

維乾道八年歲次壬辰九月丁卯朔二十九日乙未男具位某謹  
以清酌庶羞之奠敢昭告于先考中奉之靈天下之願欲有富貴  
者不能致而孤窮之人或得之世稱仕宦曰去墳墓而古人所記  
以過家上冢為榮有如其以刺史章守松楸者二年而疊蒙上恩  
寵嘉其先得以綸告親奉于神明誠富貴者未必有而孤兒之幸  
一時所慕焉者也妣然之政粗寡怨尤樵牧之虞可以不戒惟是  
音容益遠埽祭无期哀涕颯然肝肺俱裂嗚呼尚享

焚黃祭妣親文

維乾道三年歲次丁亥十二月甲午朔初五日戊戌男具位某謹  
以清酌庶羞之奠敢昭告于先妣恭人之靈伏以本朝以孝治天

下士有列於朝者慶賜之行必及其親某數年之間蒙上嘉寵進夫人之號凡三等而今者靈宮朝成綸吉夕至事若合契榮逾過蒙夫子休命不敢留夫人餘善不可拚敬用齊被告諸神明其慶其承以佑我後尚享

焚黃祭文

黃 泰之

我幼失怙冠而喪母年甫五十遽哭仲子以我哭子知親之仁我則不孝胡然報親二恩无窮子報有限今茲靈被曾未尺寸孤窮憂感進德之階庶侈厥榮親其監哉

焚黃祭文

某以不才繆塵仕版閨闈之助鑿鑿噩噩多乃位于朝式經郊需追榮之典固有故常盡所以慰人臣追遠念舊之心且俾夫淑德令婦生雖不食邑而終亦不失身後之名也竟芳如在服此寵光

焚黃祭考妣文

汪 彥章

嗚呼某獲罪于天不獲終考妣之養又不能躬守墳墓奉祠春秋

日往月來于心哀慕有不勝言者幸銜訓嗣事叨榮于朝每朝廷恩數之頒必推本所自進官迂秩追貫泉裔故自某去松楸十八年間被命書者无慮十數謹擇剛日告于墓前惟我考妣惠顧不忘服天子寵休以垂裕于後

焚黃祭考妣文

孫 仲益

某蚤承先訓束髮授書兩踐詞科濫升冊府四備省臺之列五塵儒文子之官浸冒朝榮遂登詞禁躋延華閣出守便藩惟聖主推曠蕩之恩追本教忠之自而人子致哀榮之極肆疏飾壤之封超躡崇階進都顯號先考承事凡七封而至朝議先妣太孺更三賜而至今人玳首鸞褰朱衣象版丕顯三朝之命光賁九泉之幽

焚黃祭文

陳 無已

故事天子祀享天地同休諸臣施及存歿某年以散郎竊位于朝與有追榮之典自衛尉少卿卿中大夫三告于第其所以褒郭氏之意甚寵既藏于家又焚其副書以追錫於地下則天子孝治之



道亦已至矣顧惟不似何及此惟是先大夫之餘休遺澤積厚流長故能生享其祿歿受其報則天之報施善人不為不至也故敢以告

先考獨善先生祠堂祭文

熊子復

其猥蒙先慶方校石渠之文荐誤上恩更紬金鑰之史蓋有典謨篇則章堯舜之盛然措春秋辭則非游夏之能修書屬算於四朝秉筆詎庸於一介幸斯文之亦預皆吾父之所貽知幾載國史之言敢含毫而弗決子長述先人之享雖流涕以何從

先考奉議祠堂祭文

典冊府之秘藏纒繞叨序轉攝辭闈之邃直遠冒簡除維此誤於上恩蓋是緣於先慶懷錦溪風月之藏徒夢繞於祠堂寓亦金坡雲霧之窓阻躬陳於薦豆

堂祭壽光縣君文

汪彥章

其等得罪神明傾奪茲陰慘然孤露駒憤不如日月有期禮當即遠攀號莫及糜瀆肺肝不滅生以死為殉忍羞甘旨如奉晨昏瀝血呼天冤訴何所

遷葬祖母祭文

趙德莊

嗚呼盛衰之理其不可常哉其可悲也哉某尚忍言之方我大夫人之康寧也慈祥之化熙怡恬愉子孫同年擢第而婦男書女絲內外盈室旨甘滫瀡抱其曾孫時節出游板與爭持升堂上壽賜觴累十自意平生每當如此曾不知其樂也及其衰也太夫人不待耆而化父僅免喪賚志以歿壯者少者相繼淪亡十年之間零落殆盡於是生有不能養而死有不得葬者矣尚其幸者太夫人親享其盛之樂而不知其衰之悲也邈焉佛廬非神所安祭拜掃除不具而缺歲時霜露肺肝如焚蓋又十年而後某遭時簡拔稍建門戶諸孫宦季粗有成立乃克襄大事于今茲山川清華有桂有松壘重孔安姻族畢至而其蒙上哀眷實持使者之節以來行路咨嗟且弔且慶庶幾乎曩者之盛矣神靈在上喜耶悲耶顧我

諸孤弗復思耶真真終古逝若斯耶嗚呼哀哉尚享

遷葬母祭文

嗚呼諸孤不孝早失母慈時方亂餘父仕不耦江城葉葬旋踵去之兒雖稚里寧不知痛日夜望父壽考顯融十有二年若罹大故父素清峻兒官又早弟呼妹號隨彼閩嶠葬雖兒事力惟它人西望母喪不敢言耐飲此沉恨天地有窮惟禍之延譬彼烈火死威莫救生窮無歸廩二十年神怒始息嫁娶官字稍為生人兒宰是邦與民相樂退而可老乃營母宮逮茲告迁兒亦白首阿申自力始終服勞諸孤四方不能咸集兒獨最幸蒙上哀憐載以輜車歸為母寵親郊之慶父升卿班母貴如之綸告鼎鼎至積善之報匪我後人惟兒弟兄視母如在或仕或處寔為一家護持松楸罔敢怠失母也安止寧知兒孤嗚呼哀哉尚享

省墓祭文

張 欽夫

某往者惟念古不墓祭之義每來展省號哭于前不敢用世俗之禮以行其所不安而其中心終有所未滿者近讀周官有祭於墓為尸之文乃始悚然深惟先王之意存世俗之禮所以緣人情之不忍而立尸以享所以明鬼神之義蓋其處之者精矣是用今茲敬躋此義為位于亭具酒殽之薦以寫其追慕之誠惟事之始不敢不告俛伏流涕不如所云考妣之神實臨臨臨之

家廟祭文

熊 子復

不患莫知可雖求於自己必有餘慶善益積於吾家伏念某五上纓忝於儒科再轉猥塵於師職竭求潤浦統在浙畿既踰兩考之書遂獲六章之薦固上官之垂憫實先世之蒙休然而歲則尤賒事亦多變惟益圖於龜勉更默藉於護持俾及代期不虧負數庶脫選坑之冗亦階仕路之榮

祭遠祖顯靈英濟王文

汪 彥章

嗚呼隋失厥馭中原沸騰擾二名字群雄競稱王起閭里幾同版繒有地千里一方所憑聞真主出嬰如復冰凍藉疆土輔唐以興

屢錫褒詔人知勸懲既歿痛下咸思奉永廟食故壤左淵右陵曆  
記五百若王始薨逮入吾宋神光愈明請雨請雪有信而有徵乃進  
王爵彝章並升燕及後裔日蕃歲增散處諸邑非雲則仍間顯于  
世如膏續燈小子何幸守符是膺身則寵矣懼材弗勝日賴陰相  
宜其股肱欲走祠下拘亦幸莫能爰薦菲薄實之且登用告來者毋  
忘禴丞尚饗

祭先考許堂祭文

嚴 仲仁

士孰不知孝二而儒雅足以飾吏乃士之賢吏孰不為政二而剛  
明足以去惡乃吏之先茲二者難乎一卒而兩得二之矣又孰見  
其雖老而弥堅惟公醉飽六經網羅百氏胸中之所停蓄浩乎江  
河之巨浸文焰之所暴耀爛如星日之高懸若其備望雅美乎當  
代懿行儷蹤乎古人庠校願得以為交奮乎百世之下克生孔孟  
之與淵騫奈何徒資之以如此之德且賦之以如此之才而不使  
折桂林之一枝搏鵬程之九万誰為此者蓋平莫致之命莫為之

天而仕猶足以行其志功猶足以及其民祿猶足以調其親而今  
聞廣文言遂與卓茂魚豢並流无窮者乃公平昔所蘊之万一獨有  
為於耆艾之年至於厭替紱之儻來樂溪山之勝賞養恬少室於  
意松茲一觴一詠歡无虛日人皆謂公為山中宰相閬苑神仙善  
既積夫斲躬壽雖富而合延奄玉樓之落成亟鶴馭之言旋雖芳  
蘭不凋一時以為恨而高風而泯万古以猶傳愴哀思之罔極念  
欲報以汪然爰卜吉於崇岡庶安止於新阡清飈吹林素月滿川  
溪光起而相蕩煙色散而爭妍公生則愛此今死寧捨旃靈車在  
途總帳云迁望佳辰而永訣空隕涕而連二聊寓辭於一奠公來  
歆其吉蠲嗚呼哀哉伏惟尚享

過房子祭所生母文

淵生珠齊矜其明燦二乎令淵之靈靈崑生玉趙貴其珍温二乎全  
崑之神嗚呼丹山之鳳棲乎高梧寤寐丹山莫涯歸歟陽穴之駒  
鳴于通衢瞻亦陽穴徒切依於嗚呼日月並明宿靄掩翳蟾兔失

精帖屹長陟烈火震蕩草木落魄嗚呼卧冰弄綵心已有歸輟社  
護雷志昌忍遠

祭叔公給事文

黃魯直

嗚呼叔父忠信足以感欺匿和裕足以諧怨爭行不祈報之施為  
不近名之清孝悌達於草木勤勞載於朝廷謂當朝多三事光輝  
九族白首庇民百僚是式黃扉青瑣曾不暮月如何昊天殲奪斯  
亟嗚呼哀哉在昔叔父典獄宣城牧民會昌恐一不情視之如傷  
司農討論御史補察持節振饑餓夏受職六年在晉民可即戎教  
之信義不奪農功元祐考績民兵蠹政監觀四方維晉不病使者  
奪印以謝逋逃維叔父留中郎民曹是將使節并護隴蜀食茶葉  
馬夷夏與足入佐衮司與聞和羹美起居柱下日近清明人謂叔父  
宜在帝側山龍黼黻潤色交職二聖材之俾承密旨有免楚獄无  
根受詆叔父拜章極謝罔功亦憂兵食逐刺閔中日月照臨白珪  
无考來給中方將未老陰德在民民功在邦善士彈冠豈惟我宗  
嗚呼何負於神祇忽遽隕傾越在衰削聞訃顛踣荼毒童蒙无淚  
續矣今我不天又失叔父彼矣君者我忍此窮露兄弟之子猶子然  
有是言叔父附我二乃信然平生拜至教誨笑色今哭歸船斷旌  
枯木几筵在堂不聞金玉之音酌酒不觴落涕隕心嗚呼哀哉

祭十叔父朝請文

熊子復

昔我先君與十叔父未冠而孤家四壁立高平夫人黑髮滿櫛携  
持東歸一錢之奉必自已出先君與叔父躬苦服勞晝耕夜讀酒  
甚單食人不堪憂啜叔飲水歡足其孝辛勤十年用立門戶其堂  
致養祿則逮親錫爵九卿燕及皇祖子孫秩二遂為大家兄弟白  
首奉酒相對夫豈不懷昔困今遂百韻之詩以吾為戒時我諸子  
實預聞之紹聖无祿先君即世我與二三孤悼心失圖引領瞻望  
曰惟祖惟父其誰恤予躬叔父千里啓書泣數行下車不及載匍  
匐來歸俾我先君獲從先大夫以安于九原非叔父之力其誰克  
尸之我是用銘膺錢腸不敢失墜冀或未死其猶報厚恩嗚呼孰



謂叔父弃我而先逝乎昔叔父之既告老也我猶庶幾曰終更亟  
歸以歲為期包羔酌酒鞠踞希韞起前致詞上千万壽我見叔父  
先君存焉天不悔禍家難重仍仲姑季母如葉墮霜惟獨叔父今  
也則亡生不承顏病不嘗樂拊觀誰慟屬纊誰託惟恩負義生慚  
死忤嗚呼哀哉福清之慈足以抚後嗣大廟之孝足以紹先烈惟  
我叔父其何憾為惟是平生不耀有德孝悌忠信實秉金石人或  
弗識昧莫覺知是惟子弟之責我不得而敢詞願與諸先仲叔季  
弟收拾懿美緝比行事將考遠日附之窀穸以燕叔父之歸則欲  
報罔極雖不方一而下見先君庶无愧於異時也長河洋二奠不  
親酌匪酒則多續以涕淚嗚呼哀哉尚享

祭族叔承議文

汪 彥章

嗟惟我公全德自名酬酢万事一專以誠魏有東郭唐有魯山千  
載相望與公為三世人雄夸藻藉琮璧外雖繁然中滿瑕謫公獨  
樸茂不為琢雕經書自奮通班漢朝世人紛爭步設二筭術窮數  
殫還復相勝公獨溥至不為巧熾內蒞劇邑材猥化之文為人師  
行為人則凡人所趨無一能惑坐御浮薄如堤捍川天胡不留使  
至百年公於死生視若泡影伊人則憂風俗誰正吾宗之幸家有  
德人况蒙公知愛與子均聞公永歸不克馳送以詞為哀非公誰  
慟嗚呼哀哉尚享

祭南康太守四九兄文

張 欽夫

嗚呼同祖兄弟今存四人惟兄能文自于妙齡意期遠大以翼吾  
門僅守一州才未克伸豈謂茲朝乃傳訃音驚惶慟哭痛心原鴛  
為位一奠哀哉此情嗚呼哀哉尚享

祭南康太守四九兄文

嗚呼哀哉惟兄早歲秀發而文秦國之恩篤於諸孫忠獻之愛視  
子攸均矧惟伯父實艱實瘞未究之業付之吾兄謂當遠大以翼  
以承如何中道車折其輪僅歷一州莫覩厥成嗚呼哀哉某之於  
兄少長於親論文講藝豈無發生雲川之別慘焉酸辛視兄之容

澁而不榮酒酣諄復願言憂身必屏剛劑以致和平孰期一疾竟以此傾嗚呼哀哉于今幾年遠寓雲濱鴻鴈莫曉每傷予心矧茲永訣痛復可任念當挈歸以近榆枌乃聞治命旅葬是云嗚呼哀哉遺字見屬奉之涕零將絕泚筆又何剛明嗚呼哀哉屬拘印紱奔走不能向風長號溥奠是陳猶子幼弱念言惇二敢不扶持兄言是遵尚惟英爽其或來歆嗚呼哀哉尚享

祭經軒八兄文

嗟哉吾兄生也多屯惟生之難宜永厥齡胡亦齎之而止於斯命也不齊其孰爲之乙酉之夏過我湘濱撫我苦塊話言諄二爲我久留久則不忍舟中之別有淚如隕我觀吾兄齒髮未衰願言愛身相逢有時兄復一笑子言甚真我健且武當復南征側聞還家有以自娛醜酒擊鮮賓筵則都謂當婆娑畢此晚歲豈期訃來駭痛曷已邈在萬里走哭無從寄此一觴酌西南風嗚呼哀哉尚享

祭奉議兄文

陳 了翁

維宣和元年歲己亥七月壬申朔初三日丁未宣教郎管勾江州太平觀賜緋魚袋陳某謹以清酌庶羞之奠致祭于亡兄致奉議之靈嗚呼束髮以仕七十而歸既垂其車心閑無爲居有室廬游有園池花蕪水竹取意設施阡陌臺榭鄉黨笑隨笑語續綵酒肴燕嬉耳聽聰利視分毫釐齒截大肉足能安馳他人高年或壯或羸耄悼獨健世罕有之去年九月書來江湄字畫迫勁未減昔時語不諄復百無可疑喜茲康寧念不及醫去何奄忽不到期頤嗚呼哀哉死生隔矣欲撫往棺跡繫重里凡爲旅者歲久必歸獨未得也云胡不悲昔竄合浦還而復流江湖淮海十有八秋罪大謫薄恩隆命微升沉通塞分定莫違兩榮霜悴誰能易之首丘志願老益不移越鳥擇巢忍離南枝此心同也將一語誰非我族類難吐肝脾貽書雖遠尚慰旅思今絕筆矣永無見期祭不躬奠哭不近惟江流有窮莫窮此悲嗚呼哀哉尚享

祭百一兄文

孫 仲益

嗚呼吾兄之沒十有四年中罹多故共畏禍連避盜徂遷靡有定所炎海之陬又以謫去生還萬里歸視殯宮久不克葬有愧在中荆溪之陽牛山之阻卜之其吉安以即路護外有楫磬中為堂既固既安萬世之藏嗚呼尚享

祭知命弟文

黃 魯直

君歿荊州我在萬里歿後四月始聞訃音既無孤悍恃有兄弟天既喪我君不能年自我哭君頭髮盡白英風豪氣窮此一棺拊棺長號殆無生意公私之計身有所繫既難以歸舟車可慮乃得吉卜旅殯僧坊雖遠至親理則安寔無驚無恐扶將上輦絕慟一觴君其尚享

祭前室吳氏墳文

孫 仲益

恭惟伉儷之好實同貧賤之交天不假年死生契闊追慟九原之隔貧榮一紀之餘託備潘維追參法從爰舉終衣之典寶資內助之賢象軸錦囊光賁泉壤英魂如在歆此寵靈嗚呼哀哉尚享

祭章淑人文

孫 仲益

嗚呼伉儷十年如屈伸頃夜壑舟移逝無留騁中州鼎沸共此百罹又於其間有合有離垂老投荒一訣首路萬里訃聞奄至大故蕙蕞葬空山來視定封但見宿草動搖春風逢時不祥抱恨入地何辜手神而至於此玉潭之源鬱二佳城陬龜視日我以楫迎湖波不揚若有神護抱襯呱呱兒啼孺慕嗚呼已矣閱此新宮敬酌一觴涕淚沾曾嗚呼哀哉尚享

祭亡妻大祥文

葛 謙白

嗚呼伉儷之愛頓隔泉壤日月逝矣俄及大祥徹几中堂遷神家廟聊陳薄奠式燕芳魂號呼不聞有淚如雨嗚呼哀哉

祭婦吳氏文

吳 元及

惟靈挺蘭蕙之質于季英之胃而執箕箒之奉于子雲素範之門鸞鳳聲巧桃李華芬充婦德之肅雍以和夫家而舅姑綽以孝聞具此數美是宜康寧壽考視靈靈楮以久存風魄雪魂忽先朝露故



天道以寧論雖死生壽夭達人視之猶且暮而藐耳諸孤惘然無  
依曷勝乎肅肅之夜月黯黯之愁雲其幸聯瓜葛久被仁恩聞訃  
何處抱恨無垠氣欲絕而復續聲已發而屢吞嗚呼哀哉若花雪  
舞菊蕾金噴况是人情最難死別那堪秋色偏易銷鬼肉在俎兮  
酒在樽薦生芻芻兮淚霑巾尚享

母安康郡太君祭亡女陳氏十娘文

黃

魯直

汝嫁十年五歲歸處姑章不呵知我憐汝我徂江南三年搖搖元  
曲昂子汝兄還朝道淮汴洛望汝來寧不聞車音乃聞哭聲汝疾  
何藥汝歛何服臨絕之情不能我告哀憐至骨哭淚至泉我創如  
新于今七年乳母來歸壻亦繼室昔所抱兒亦既結髮惟汝面目  
永隔枯木嗚呼昊天忍此荼毒久於客土勤我夢思日月之吉窳  
窳有期我病在牀不能奮飛寓奠千里文不及哀尚享

祭女二孺人文

孫

仲益

維年月日謹以清酌庶羞致祭于亡女二娘之靈嗚呼哀哉与汝爲  
父子三十有一年不謂衰老弃我而先天乎何辜不畀汝壽一夕  
遇疾忽奄不救繫女疾革害於語言託夫与子半辭莫宣天降災  
殄莫謂汝酷人誰不死抱恨就木汝夫館我迨十年餘羹藜飯糗  
共其有無豈謂女亡而有濃厚庶幾父要定此窮陋二雛呱呱誰  
撫誰憐如見汝面在吾目前歸汝教男與成汝志吾雖老矣猶有  
兄弟獨念汝夫疆仕之秋誰復爲汝瞻守一丘先墓之次卜此新  
宮祖禰相望我祭其從季冬之月吉日庚午汝其碩歆以封以樹  
念汝永歸五內若焚拊之慟絕汝聞不聞嗚呼哀哉尚享

代壽昌縣君祭張通直文

汪

彥章

嗚呼余來媿於君門逮舅姑之輔佐同張氏之艱難若墳篋之應  
和攔叔妯之二三及所天之遘禍保齒髮於桑榆蓋唯君而興我  
幸似續於兒曹各承基而不墮余竊邑於脂封君通班於禁鎖享  
甘醴以優游亦吾家之足賀憶靖國之初齡從子官於浙左承祖  
餞於行車起相持於別坐謂聚散之何常涕交頤而疾隨曾此會



之幾時遽春風之五過聞霜露之憂居欲亟歸而不果喜樂石以  
護持起沉絛於父卧雖日具以景西庶相從而尚可何卜見之有  
期忽訃音之來播恨嘔老以無窮氣傷孤而愈挫唯福壽之平生  
無秋毫之坎軻為天下之甲門孰人言之敢破天胡齎於百年使  
不終於保荷退忍哭於總幃反惜成於香火嗟已矣於一觴終莫  
聞於咳唾嗚呼哀哉尚享

聖宋名賢五百家播芳大全文粹卷第九十

祭文

外親

祭舅氏李公擇文

黃魯直

盛德之士神人所依珠玉在淵國有老輝方時才難公墮于道彼  
天悠遠莫我控告士喪畏友朝失寶臣我哭之慟不惟懿親公處  
貧賤如處休顯温温不試任重道遠內行純明不缺不疵臨民孝  
慈來歌去思其在朝廷如圭如璧忠以謀國不沽予直熙寧元祐  
言有剛柔公心如一成以好謀十年江湖粹然主色十年主計鬚  
髮盡白他日謂我何喪何得我知公心謀道憂國出牧南陽往撫  
益部稱責辨嚴笑語即路天下期公來相本朝奄成大夜終不復  
朝嗚呼哀哉我少不夭殆欲堙替長我教我實維舅氏四海之內  
朋友比肩舅甥相知卒無間然今天喪我舅氏傾覆誰明我心以  
血繼哭平生經過為我舉觴沃酒棺前割我肺腸嗚呼哀哉尚享

祭外舅樊寺丞文

葛謙白

嗚呼宣和山陽公始女女不余陋庸甥館見處浹句別公侍親臨  
安有燁其旆公來自楚欲視其息不憚羈旅公官逢池我舟繫渚  
公為歡迎倒屣延筵闊展杯盤肴以歌舞龍集甲辰注官銓部十  
口累公遂閱寒暑出乘公車入陰公宇寧勤館人喜侍揮塵虜動  
維揚歲在丙午變起倉卒公渡江浦僑寄吾邦始獲按堵草草茅  
茨連墻接武履艱踐危更相勞苦忽起越吟莫諧久聚甲寅外姑  
玉樹埋土我携弱妻一慟坐所辱公淹留曲加拊偃前年孤城犀  
顏再覩勤公放船來訪郊墅時病耳聾中響翹羽意謂仁人何恙  
弗愈遽違我行咽不得語甫陽之官冒涉脩阻歸未黔突丹旆歛  
舉嗚呼哀哉惟公早齡天授才諳入丞府寺出貳藩府所臨有聞  
德洋恩普矧惟平生陰德莫數天災告飢輒發我庾為梁半丈不  
斲囊裏緒謂當太老至矣職是補如何弗淑遽沉幽戶嗚呼哀哉我  
婿高門歲二十五訃音易忽來痛貫心膂道里千神棺莫撫遣介  
伸哀殞淚如雨有酒在觴有肴在俎歆此微誠公其勿吐尚鄉良

祭外姑蔡宜人文

葛謙白

嗚呼獲壻高門一紀有奇始聯好於山陽繼款睇於蓬池同居汴  
闕連屋荆溪雖所履者有枯有苑而所遭者有險有夷顧拊偃矜  
憐之意則一蓋未嘗不由盡其慈也去歲夫人卧痾適亦呼醫悵  
侍疾之莫及遂永隔於音徽洎聞凶訃携孳亟歸冒修塗之蒸鬱  
經川陸之艱危踵門長號弟見縞帷嗚呼哀哉今者遠日告吉墨  
食令龜屬蜀茲匏繫又不得臨壙而伸其悲酒脯之奠遣介致之東  
望腸絕頓涕交揮嗚呼哀哉尚享

祭外姑恭人

張欽夫

惟靈生於相家來嬪德門奉饋采藻克謹晨昏如賓之敬婦道則  
宜逮夫晚歲有光母儀允矣三德協于彤史胡不百年永庇孫子  
憶在柔兆獲拜于堂辰幾一周有淚淋浪我悲終天靡枯靡待起  
尋滑陽痛復抵此傷哉道遠一慟莫前薄禮將誠靈其鑒然

祭親家文

惟靈之生婦德著兮柔淑且慧忘怨惡兮賢哉主饋大克助兮敬  
長恤孤宗姻譽兮既肥其家而 兮振振繩繩繁而庶兮宜耆  
而艾何朝露兮彼蒼者天 而 兮胡其不仁奪之遽兮如晝而  
夜抑定數兮伊令仲子于女女兮與子外孫而許娶兮再世婚姻  
嗟莫顧兮追懷感傷曷六喻兮載以清醕殺撰具兮伊禮之薄盡  
其慄兮嗚呼靈兮莫于吐兮

祭朱時發親家文

陳 了翁

嗚呼昔會靜海于今六年君護喪歸我以竄遷迨隔三江懼無還  
期天子仁聖復令我歸離台之時未得君計單舸北來猶異復晤  
白沙之傳初信且疑今知果矣孰如我悲君老苦學趣一而專富  
而能貧內無間言寂默能仁為方外師志者於仁孰得而疵仁則  
宜壽胡不期耄天所促延人奚可考君於世味澹平其歸苦樂壽  
夭存歿豈移淮江阻脩莫不以時情發於辭君其監之嗚呼尚鄉食

祭姑夫李提舉文

陳 了翁

嗚呼昔我先君愛鍾令女擇所且從以歸于子子昔悼亡我方居  
憂各痛在手足涕不可收季妹繼適今能幾時子既殞矣孰知我悲  
我非明哲觸禍固宜子亦放廢一斥不歸窮達死生所遭各異海  
波則殊水一而已數極而化亦又奚傷君子之道死也不亡尚享

祭妹夫祝天惠文

趙 承之

昔我叔父少失其配鬪然二女誰恤誰持先君鞠之蓋猶出已伯  
長且賢以配君子維時君子好季發憤方少而剛在窮不恤屢舉  
于鄉而輒不偶布衣儒冠以至白首後生紛紛或登而先昔也納  
履公而自賢先生皤然志節彌厲奔走四方以至於死嗚呼哀哉  
某兄弟幼孤且愚先生教之讀以詩書復游薦紳則維公賜我圖  
報之而乃如此嗚呼哀哉想公平生舉白呼盧憶公疇昔慷慨捋  
鬚涕泣陳觴叙訣梓里猶有諸孤敢不終始嗚呼哀哉尚享

祭包氏妹出殯祭文

孫 仲益

嗚呼哀哉某政和初與吳氏妹侍先妣太淑將吾妹歸于同縣之包氏大家勝衣冠者數十百指而夫君寢然獨秀蔚為宗廟湖堧之器後四十年而吳氏病沒於京師又四年而太淑人感疾而逝中更喪亂死生契闊而包氏尊章亦已下世獨吾妹克相其夫方男冠女婚持門戶之寄謂當壽考百年與君子偕老方去何一病而遽蛻嗚呼哀哉追數存歿方閱一瞬而三紀嗟余歸然獨存方隻影隨而卧起始結螭以踐其行方又窆墓而送之死鬱鬱方感以中集方溢兩臂其如洗手足情所鍾方此身歿而後已塊揚緋以來歸方歆余觴且之薄祭嗚呼哀哉伏惟尚享

祭李甥文

陳 了翁

吾與乃翁俱為窮人我來萬里與鬼為鄰瘴毒之鄉朝不保夕謂必與汝平生永隔吾衰既久汝方妙年孰謂汝也而弃我先唯吾二家世接姻眷汝母及汝吾妹吾倩我取熊堂天寶使之迺翁南流亦豈人為仲取高弟既得而奪汝性孝友知汝撥撥左右就養不營其私隨泊湖外五年于茲不得汝書今兩歲矣形阻心親不隔萬里信自北來吾心茫然去何不淑乃以訃傳我初論事即捐其生杜門待盡符到奉行家如風舸任其浮沉執不能保豈死愛心死者歸也汝既歸矣吾雖未歸俟命而已汝生不幸汝死不亡千載之後聞者歎傷嗚呼哀哉尚享

朋舊

祭張季清文

呂 伯恭

嗚呼游於師友之間斂然自持豈其無人舍業而歸耳目改前移養鑠奪不失其初心者蓋亦寡矣子之在吾門侃侃和飭執經不怠於是時猶未知其為獨異也自我不見于今五年有來自西者皆道子於兄弟无違言於里閭無遺行安常謹禮不受變於俗吾方幸於得子迨此暇日將過子之廬而子則死矣嗚呼庠序之籍日增而務實之士不加益一觴之慟豈獨故舊之情而已哉尚享

祭邢邦傑文



越絕之區學者方興一門孝友舊推諸邢内外交映華華嚶嚶人之可願於此而并倚右提而右挈紛前道也而後承實霜霰於春陽久此樂而莫能喟予感於傷弓駭弦音於鷓鴣陶近憂其未熬集遐感而相仍理鏡湖之桂楫踐前諾於歲更訪舊聞於故老采新益於友朋愴獨逢於仲氏同此哀於折肱嗚呼尚享

祭于悅道文

嗚呼自子束書從予遊於明招八年于茲矣每見每進筆端津津如春木之向榮意其前涂蓋未艾也我來自山而子死聞至折殺失聲猶幸風傳之或誤也疇昔之夜子語我身名未立予固疑其色不舒亦以爲是適然耳庸詎知一再旬之後乃大出於所慮之外耶流光悠悠兩川東下命也奈何付此杯酒嗚呼哀哉尚饗

祭潘子臯文

名場利區爵標執的穉奔老毛馳百年一日義路仁宅道源性淵有能用力一日百年之子之才之識之操萬里首途遽以病告意長數短獲歎殖豈寸心惇然持此以終有親未報有弟未立有養未充有志未畢合是數者屬之吾徒矢口而言豈言發不渝里門相望伯仲叔季責以撫存亦孔之易道季之責喬嶽高丘母或不勝重遺子羞嗚呼哀哉尚享

祭陳耀卿文

呂伯恭

嗚呼菁菁執圃群植並區天壽豐悴一本萬殊以子之年方苞萬敷岷山道導江適觀厥初病不復興嘆驚吾徒游從之義具此俎壺

祭吳晦叔文

張欽夫

嗚呼惟君早登五峯之門即捐進取之習從事義古今幾二十年思慮益親操履益固而其曉悉人情通練世事持之以忠信行之以周密蓋有用之實才而進季之良資也豈謂一旦止於斯邪某與君論心爲日亦久切磋講究友誼金石計音來傳泣下莫止嗟乎任道之艱而同志益落此予之所悲而志益落此予之所悲而日憂也官守所拘未能往哭一奠遣致言不復文嗚呼哀哉尚享

祭李先生文

朱

元晦

道喪千載兩程勃興有的其緒龜山是承龜山之南道則與俱有  
覺其徒望門以趨惟時豫章傳得其宗一簞一瓢凜然高風猗歟  
先生早自得師身世兩忘唯道是資精義造約窮深極微凍解冰  
釋發於天機乾端坤倪鬼神彰風霆之變日月之光愛暨山川  
草木昆虫人倫之正蓋道之中一以貫之其外無餘縷析毫分其分  
則殊躰用混真隱顯昭融萬變並酬浮雲太空仁孝友悌灑落誠  
明清通和樂展也大成婆娑丘林世莫我知優哉游哉卒歲以嬉  
迨其季年德盛道尊有來樞衣發其蔽昏侯伯聞風擁篲以迎大  
本大經是度是程稅駕之初講議有端疾病棄之暨窮技殫嗚呼  
先生而止於斯命之不融誰實尸之合散屈伸消息滿虛廓然大  
公與化爲徒古今一息曷計短長物我一身孰爲窮通嗟惟聖季  
不絕如綫先生得之既厚以全進不獲施退未及傳殉身以歿孰  
云非天其也小生牛角趨拜恭惟先生實其源派閭閻侃侃歛

推先冰壺秋月謂公則然施及後人敢渝斯志從游十年誘掖諄  
至春山朝榮秋堂夜空即事即理無幽不窮相期日深見勸彌切  
蹇步方休鞭繩已制安車暑行過我衡門返旆相遭涼秋已分某  
於此時適有命召問所宜言反覆教詔最後有言吾子勉之凡茲  
衆理子所自知奉以周於幸不失墜歸裝朝嚴訃音多至失聲長  
號淚落懸泉何意斯言而訣終天病不幸扶歿不飯含奔赴後人  
死有餘憾儀刑永隔卒業无期隊緒茫茫孰知我悲伏哭柩前奉  
奠以贄不亡者存鑒此誠意

祭王深甫文

王

介甫

嗟嗟深甫真棄我而先乎孰謂深甫之壯以死而吾可以長年乎  
雖吾昔日執子之手歸言子之所爲實受命于吾母曰如此人乃  
與爲友吾母知子過於子初終子成德多吾不如嗚呼天乎既喪  
吾母又奪吾友雖不即死吾何能久搏曾一慟心摧志朽泣涕爲  
文以薦食酒嗟嗟深甫子尚知否

祭李元叔文

黃魯直

嗚呼元叔之義世不可少赴人急難秋陽燉二奉親色難慈友諸  
少家人物齊門巷灑掃築屋聚書延聘師表青青子佩如魚游沼  
凡厥富室乾沒紛擾君常晏然萬鍾忽抄壽母令妻升堂宴笑慈  
以旨甘歌舞姝妙里人欣欣皆謂之好攝持季夏舍有鵬鳥屏藥  
治歸竟夜无曉邑人奔走上下是禱人亦有言蓋棺事了生榮死  
哀誰謂君天我遷黔戎形影相弔末我食我歲使交道立棘人望山  
複江繞屬辭羞莫氣結天杪平生不昧尚草聲嗚呼哀哉

祭劉凝之文

嗚呼公乎智謀足以御困剛毅足以行可獨清足以軌物自勝足  
以立我兀者造而歸全諒无地以棲禍方燕及於來仍閱門戶之  
嵯峨忽厭俗而去仙違白日而蛻卧亡吾黨之一鑑哀楚之傾墜  
伊曩襄時之倦遊實厭隣而坎坷遂投効於穎尾置嬾息於寒餓來  
胥跡於江湖訖有屋於春陂執芻盪虛以化物取衆弃而致夥間江  
曠之有秋上橘柚之歲課開亭觀之百楹葦綠竹之万箇裹餘刃  
之不試故優裕於菑播據几杖以仿佯樂知識之來過味龐公之  
幽神觀有物於石火歲三會於浯灘訖初志其不挫維歐陽之文  
章發高唱而先和配公名而成三何巧舌之能破齒髮踈而恋嫗  
坐衰氣而不果載銘旌而來歸遺稚子以危貨彼聞公之清風亦  
何回以承唾初不肖之及門輩諸孫之孩孺公慈祥而豈弟獲聞  
教而侍坐歎歲晚而升堂見虞主而泪墮湛樽酒其僅嘗列群悲  
於楚此嗚呼尚享

祭李彦深文

黃魯直

嗚呼彦深茸路泥塗賢於駟馬之駕席門風雨安取數仞之堂躡  
狐貉之温而不耻緼袍壞絮知膏梁之味而不厭脫粟寒將終一  
世而阨窮內不疚其何傷維相知之不早始傾蓋於汝陽披秦蕞取  
之瑣碎見紫蘭之孤芳沉深而敏李易簡而庭方鄰非仁而不覲  
粟非義而不管遇人情之難堪既摧折而愈剛号饑寒之滿屋仰



歸鴻之南翔擁群書而寤嘆擅榮觀於文章論若人之豈弟謂百  
歲而康疆忽靜寐而不覓問歸來兮未央去親戚與朋友即万鬼  
而為鄉嗚呼虞氏之不為政久矣士不厭於糟糠載固窮以軌世  
魯人至今傳其惠康身与蝼蟻共尺名與日月爭光我觀古而視  
今信吾友之不亡所以發書而掩涕不忍癡孤与蚤媼婦弱女而  
教男定子宅于南山之崗有謝公之知子固特達於珪璋在吾侪  
之可力尚終始而就將哀歲月之徂秋悲風号於土囊託千里而  
羞奠肴有且藜而酒香魚羹曩時之笑語同飲食之淋浪列樗蒲之花  
燭呼五白而繞牀僅神理之不昧以斯文而舉觴嗚呼哀哉尚享

祭鄧鯁之文

陳 了翁

嗚呼鯁之真二鴻也筆瓢自足藐鼎鍾也宜止則止良其躬也有  
物有常家雍二也彼臧彼否默爾容也孰喜孰怒寂乎中也盥而  
不薦志在顯也射已之鵠審其固也弃彼所爭不与同也包攝無  
間介而通也其積弥高不自夸也其割弥利飽磨礪也志道則士  
耕則農也齋戒其年願普豐也洛口之別再星終也我禦魍魅不  
吾攻也衆侮而逝來益恭也孰不彼信獨由衷也火勢炎烈堅不  
鎔也派流分漫趨必東也詩來了齋手自封也聲積五岳日氣蘭芳  
也讀而味之餒可充也歲寒不易挺二松也還里胥樂願未從也  
故不少延弃我終也隱几坐逝没不窮也不器其有獲豈空也俗  
間廼跡閱不逢也卒以歲計孰汗隆也人生流寓猶波蓬也谷无  
停響隨彼閑也衆耳牘二聽獨聰也問奚聞乎示以龍耳也生死不  
貳歸其宮也儒耶佛耶一視融也嗚呼尚享

祭梅卿叔文

黃 泰之

惟靈慷慨正直得於天資莊靜夷雅夙出流輩種孝績文優游乎  
聖賢之域砥節礪行周旋乎規矩之內奉親長著孝友之風飭子  
弟有義方之誨學嚴德之純備宜享齡之未艾胡六旬而甫及乃  
一疾而遽蛻莫能詰造化於小兒殆將任勞逸於大魏某等拾愉  
骨內繾綣愛情茶甌酒盞日聚時會感佳節之過眼悵音容之何



在慘黃花而无色對西風而一醉嗟物是以人非竟肝裂而腸碎  
飲此恨於終天想英靈之不昧嗚呼尚享

祭徐宗卿文

呂伯恭

嗚呼子於輩流号為端靖見我於嚴厥問日振加之數年道戰將  
勝何辜於天乃中絕命遣此一卮千載之鑑尚享

祭詹子齊

嗚呼入事父兄出事公卿視之至近居然高深昔在講席聽者如  
林子於是時奉持兢二既踐子職亦祇官箴地中生木順德日升  
天則奪之疾疾相乘涉春夏秋泯不呻吟胡不呻吟恐憂其親惜  
哉此士哀哉此心風雨寒飈餽奠之情嗚呼尚享

祭蔣從道文

嗚呼弁服之襜然弦歌之鏘然子游其間兮呻吟挾策而纍然賈  
區之器然怪珍之錯然子虛其間兮講誦下帷而嗒然貌甚癯兮  
志則堅力既備兮道方遒出門軸折兮淪書景於虞淵大塊噫兮化

機旋森回薄兮紛糾纏天壽不惑兮又奚怨倚朋遊兮昔暉聯交  
一臂兮失九泉忠傳觴兮江之壩暮山合兮橫蒼煙嗚呼尚享

聖宋名賢五百家播芳大全文粹卷九十

祭文

朋舊

祭林三山文

呂

伯恭

昔我伯父西垣公躬受中原文獻之傳載而之南裴回頭瞻未得  
 所付踰嶺入閩而先生與二李伯仲實來一見意合遂定師生之  
 分於是嵩洛閩輔諸儒之源流靡不講慶曆元祐群叟之本末靡  
 不咨以廣大為心而陋專門之暖姝以踐履復為實而利繁文之枝  
 葉致嚴乎辭受出處而欲其明白无玷致察乎邪正是非而欲其  
 毫髮不差昕夕函文聞而不信信无不行前望聖賢大路九軌自  
 詭以必可至三歲一詔士子莫重焉先生方上名於春官慨然惜  
 會合之難而緒業之未竟也亟改轅解鞅而輟行其視內外輕重  
 之分可謂審矣里居之良若方若陸旁郡之士若胡若劉更唱迭  
 和於寂寞之濱韶積淳蓄固未捨所為為人意也未幾聲光四出

而不可遏州黨推擇居東向之席踵門請起至再至三不得已而  
臨之長樂之士知鄉大孝知尊前輩知宗正論則皆先生與二李  
公之力焉嗚呼西垣公既不及公道之開而二李亦皆以布衣死  
獨先生甫入東觀若將有爲而病輒隨之中原諸老之規模迄不  
得再白於世其用捨必有所繫矣嗚呼心迹之判固非達者之論  
區區專信耳目而量君子之用心則亦有大謬不然者先生所遇  
多忤少合意雖可尋而事不大見中雖无媿而外不及知悠悠斯  
世識此心者幾何人哉嗚呼先生之卧家左支廢右支緩手不能  
指授口不能劇談若無與乎世道之升降抑不知百圍之木顛童  
立祐猶足爲丘樊之鎮一旦仆地則意象衰落无復故國之遺矣  
嗚呼痛哉其未冠綴弟子之末行期待之厚獨出於千百人之右  
顧誦薄安所取此實推我西垣公之故施及其後人培植前後閔  
閔焉如農夫之望歲也齒髮日衰業弗加脩愚不自惜大懼先生  
之功力爲虛施每覩然慙惕然恐也聞先生之喪念以辭侑奠而

思慮不專條貫靡究筆屢下而復控也既半歲矣而所言乃止於  
是蓋至善難名至痛无文而迄不能成章也先生之存音問雖闊  
踈幸首南望猶有虛焉今遽撤其所畏幾何而不爲小人之歸也  
惟當與二三子尊所聞行所知使先生未伸之志猶有考也尚享

祭太學同舍文

汪彥章

嗚呼某人命止斯耶以君之年如倚蘭把菊方欲擢秀而遽擣其  
芽以君之才如連城玢珞方欲追琢而遽裂於瑕矧君之慈祥愷  
悌尚友之久而中道奪去其誰不嗟嗚呼哀哉人生世間如沫聚  
水合散須臾寧有定躰蠱臂鼠肝均在鑪錘方生方死其樂等爾  
子返其初何足追止但悲夫北窻之間几席蕭然霜月明空秋風  
激天想音容尚存而人則已矣况於家山阻深憂絕千里壽親在  
堂誰繼甘膳室有孺人今則誰持旅魂孤茆何日歸于興言及茲  
殞淚如洗嗚呼哀哉悠二百年壽夭一終死必有所在子則窮白  
馬素車敢替交情於元伯隻雞斗酒聊陳哀醊於橋公嗚呼尚享

祭鄒次魏文

孫仲益

嗚呼嗟我蠢愚屢屢屬罪咎白鳥龍鍾投畀南土交親解散磨走狼  
頤如避垢污掉臂而去病卧空山一室環堵爭席滿前豈吳尔汝  
之子英妙文中之虎携書衞袖過余逆旅議論鑄出稊經引古西  
階東序九鼎十鼓翰墨之場群猷侯<sup>二</sup>引咎一鳴千鈞射鼠我老  
歸耕十变寒暑相望一涯二江之阻被襍囊書獨行踽<sup>二</sup>惠然頌  
我漢陰之圃倒衣迎門喜并欲舞促膝晤言殺雞炊黍訣別幾何  
倏仰再撫千里計聞方食失筋豈其夢耶而遽如許老人无徒吾  
孰與處子有齊室圖書之府製名耘業義取韓思書來徵銘藥  
石之補遺墨爛然尚祕箱笥文成欲致未及子睹掩卷驚呼老淚  
如雨子今在殯寧聞我語庶幾挂劍徐君之墓嗚呼哀哉尚鄉食

祭飛英子文

葉儀鳳

嗚呼飛英命止於斯邪吾不敢怨蒼蒼恨冥冥不生子則已既範  
子形又賦子才奈何子之壽遽止於斯邪子以少年豪邁之氣可  
以貫日日凌青雲蓋將尅日起家夫何一跌秋園槐黃有恨竟以  
明月之珠夜光之璧暗頓委於風沙嗚呼飛英古來才大難為用  
志士幽人莫嘆嗟子安知其終不售乃鬱<sup>二</sup>憤悶一至於斯邪嗟  
子之文妙奪春葩派陽和於筆端筆端之樹皆萌芽嗟子之賦飛  
霜晨露莫能過嗟子之詩池塘春草何以加雲山之會萬里圭璧  
赤城之巖萬丈雲霞惜乎不為封禪書不作洛圖頌奈何撐尔腸  
拄尔腹抱萬卷而為灰耶嗟子之筆龍騰虎竄得手應心不模而  
佳行行春蚓字字秋蛇非顏非柳迥然一家不書磨崖碑不寫洛  
陽賦奈何捲銀鈎收鐵畫握雙拳而去邪嗚呼飛英子何往子雖  
往而神不沒吾疑天上玉樓成地下修天闕不然紫陽真人銘星  
宮玉皇上帝頒折札夫何德星降此酷罰青帝春風竟十八嗚呼  
疑尔神駐尔車試為我留須更敢再拜而三奠告没曰自古之初  
靡不有終董常以弱冠死顏回以壯室沮仲淹悲之深曰吾何逝  
宣尼哭之慟曰天喪子子以董顏之賢而壽且不及我無王孔之



德而哀誠有餘嗚呼飛英子何辜傷如我者古來有天如此子者古亦無此言不必文此意不必摠嗚呼汝知之乎填然鼓聲登堂聚徒踴躍濟濟搯衣趨隅當此之時子安在情何如月淡管席風清綺疎銀缸掩映琅琅誦書當此之時子安在情何如旬月休假詩酒相娛笑語燦發滿堂歡呼當此之時子安在情何如嗚呼飛英得無怨乎天陰雨濕欲一覲子之面可復得乎空階步月欲一執子之手可復得乎琴劍縱橫手澤如故嗚呼飛英安在去此而死乎子之得疾一切廢置問則詩書惟慮學廢吾傷子之賢吾戚子之銳造化之間僅有再生之理則必為名卿鉅公而續厥志子之將行方無他詭但呼嚴君告以枯竭余聞此語嗚嗚哽咽嗟呼天地之魄消山川之氣絕春江鷓鴣綠芳浪千頃春柳鵝黃芳怨萬結春風怨芳春花殘吾故人芳千秋永決痛割腸而欲斷酸逼肝而欲裂心寒寸寸灰淚泣滴滴血丸泉深處聞不聞有恨終天芳飛英此別嗚呼哀哉

祭無旁菴主文

翁 元廣

嗟乎無旁乎而已反其真時至便行差不少待方豈造物之不仁頓使玄文寂寞英旣沉淪此士友之痛惜鄰里之悲辛者也至於季行役而未歸饋餼之酬訣倚門之慈親想其易筮具之際抱餘恨亡垠嗟乎無旁可奈何顧有生之脩短與斯道之屈伸而固悟之蚤矣詎假辭之誨誨竟今何之言有素微始青仙宰之號曩之託我者翰墨猶新今果是即致我未能離於相乃相靡之塵持此卮酒來哭公靈念眼寒於斯世無復見此偉人尚享

婦女

祭潘賢妃文

葛 謙白

惟靈婉孌淵令淑謹慈和誕發蘭儀刑我宮掖春秋鼎盛俄閱瑤光命之弗融盡傷情素兮靈輶慘霧飛旒啓途軫痛椒風纏悲薤露寓哀祖饋遺案致儀尚歌寵私安此宅安嗚呼尚享

祭史丞相母夫人文

熊 子復

惟靈靈靈範謂平閭里慶紀續乎閨門早占夢燕之祥是產攀龍之  
傑踐公槐而擁帥鉞綵服娛親覽帝畿而還家園板輿佚老蓋一  
時之罕並實五福之兼全嗟弗早於上穹歎莫留於長謝其仰高  
自昔守職于茲顧靡逮於升堂敢薄陳於奠斝

祭劉樞密母夫人卓氏文

趙 德莊

嗚呼公輔之門其華奕奕何以相之風自火出展如夫人秉是懿  
德象服焜煌以宜家國厥初百兩既富以吉曷佐于中勲在王室  
慶積而流前事有述養以大音名冠樞極孰不有年維孝乃佚孰  
下有初益觀其卒歲陰之窮原野蕭瑟胡不吉行丹施翼二斯哀  
斯榮閭里動色有酒載途肴且伊必維我假守麼其簪紱一奠之  
誠以代執紼嗚呼哀哉尚享

祭秦國夫人文

王 介甫

於惟夫人順慎和恭上之岐岐實護于中開號大邦福祿之隆康  
寧壽考而以榮終喪車其行肇此明發上用舊德情之鬱結凡我  
在位敢忘心祖奠去將之具此薄物嗚呼尚享

祭楚國太夫人

吳 元及

嗚呼惟夫人胄出相門早歸名族以忠顯公勲之著而夫人作其  
配以宝文公昆弟之賢而夫人為之母則夫人之淑質懿行不俟  
稱述蓋可見已忠顯公以沒身社稷而寶文公伯仲高才偉望振  
於當時惜夫設施未究而天不憖遺三數年間珠沉玉折相繼而  
逝惟夫人享封大國富貴康寧猶如一日意其百齡極此五福豈  
謂塵境不留仙馭長往訃音忽逮聞者驚嗚呼嗚呼哀哉其等鄉曲  
晚生常布賤士異日固稔聞夫人之盛德又嘗一登寶文公之門  
今茲瞻望靈輅不任傷悼輒敢薦其菲薄以申桑梓之誠夫人其  
鑒之否乎尚享

祭魯國太夫人文

汪 彥章

蠲日既良空儀將舉新阡在望旁可置於萬家襄事益光後何慊  
於五鼎辱在分符之地獲陪執紼之賓敢駐遣車恭陳祖奠尚享

祭周国太夫人文

司馬温公

某辱前丞相之深知荷太夫人之懿德趨走門下累紀于茲每升堂拜伏或違離在外撫存問遺一均生性何期且永不侍前薄酌薦誠悲號摧絕嗚呼尚享

祭吕望之母郡太文

王 介甫

嗚呼賢矣夫人善持門閭皓若玉雪一其終初允孝維婦允仁維姑實生才子我所歎與秉義率法困而不渝夫人之教著不可誣婦殞電宥无悔无愉維子之故具此俎壺嗚呼尚享

祭常氏夫人文

王 禹偁

嗚呼陰耦陽奇天地拘百六之數勞生休死古今同七十之期適往雖閑於冥契攀攀誌實動於孝思凡人有喪猶匍匐兮必救无母何恃固劬勞兮孔悲惟靈貞純内蘊柔順外馳以上容兮已任蓋令淑兮天資祖德有光豈與五百之數婦道斯備采蘋列二南之詩在昔羔鴈成礼室家用且環佩之音全節保阿之訓无遺事

舅姑兮嗚嗚穆親族兮熙熙儼如賓之容式符闔則稱未亡之曰躬修于母儀仁或親兮我髮必斷鄰或善兮我居必移故得花縣啓封煥耀從夫之貴桂枝並折旌酬訓子之規或青宮兮贊導或墨綬兮撫綏立朝者誨之以直道字人者戒之以无私慶高門兮若是躋上壽兮何疑嗟人生之无定信天道之難知年來兮霜滿洞庭猶思懷橘日下兮人迴上国已報焚芝心肝摧兮若割割涕泗乱兮如縷縻魂魄兮已沉高里哀號兮莫覩靈輶鍾鼎珍羞家廟徒陳於異代封崇曲冊泉扃止漏於他時有富貴兮不能及也念鞠育兮何日忘之顧泣血兮罔極諒終天兮已而某欽慕德門交游令子同年幸忝於丹墀結綬仍連於百里食而捨肉方健羨於穎封今也則亡又同悲於涓水聊薄奠以是陳庶英魂兮降此

祭鄒侍郎母郡太文

陳 了翁

鄒公有母海内所知新昭之行夫人安之何以安之命之使為謫必萬里再鼠南陲白首相娛鼓舞舞聖時此樂未厭食化為齋羹母哭

其子則公也其誰不悲身困脩短司此者誰嗚呼夫人亦止於斯

祭楊夫人文

趙 承之

於惟夫人有暉其華曾貴門高文公之家雖誼配德必以其倫作  
嬪田公諫議之孫錫爵封君祿二千石不顯惟子官亦朝藉人生  
實難鮮克者皇壽七十之年五福具有令終淑使可以无悲惟其懿  
德歿有餘思嗚呼哀哉弱弟不肖獲姻慶門綢繆被遇夙昔承恩  
天降鞠凶喪我先子兄弟惇 誰恤誰恃如何夫人遠亦辭世嗚  
呼哀哉茶麥之故几筵在堂匍匐而吊心往形妨恭以牢醴致于  
使人誠因志展哀豈言申嗚呼尚享

祭李彥思母曾夫人文

曾氏世顯名德相望望壙尔女示亦藹其芳於惟夫人季孟之列婦  
于賢夫仕有奇節式穀以子不墮厥聞當官而行在黜不愠宜壽  
其母以慰其子如何夫人而止于此我於夫人如予輩行胡寧忍  
之遽隔泉壤今我之至入門失聲涕泣陳詞維以薦誠嗚呼尚享

祭張幾仲母吳夫人文

趙 承之

士有一善足以發身閨門之美人莫得聞史所載書存帛如櫛形  
管之傳蓋不十一如有所言宜有所試較吾夫人全德之士昔事  
君子逮及養姑左右色難白我母如不弔无祿取喪多人嗚鳩之  
德四子則均拊嬰揮孤甚愛其季有不順隨却食貶味子祗其教  
莫我敢遺並官于朝兄弟熙二伯叔官達既顯于國誨之諄諄不  
借詞色伯任廷尉人以不寬甚以釋之緊誨則然出總兵戎連率  
方伯綵服于旁其養有赫公家之政預不在裏從容平時戒勿生  
事故伯之將于邊八年鎮靜之澤被于幽燕歲時承密味且以服  
婦之新執事有肅子孫林二拊嬌弄穉如兒之嬉笑語遊戲饗兼  
五福養極方鍾有髮雖白視顏則童眾謂夫人殆且難老疾幾百  
年其壽可保嗚呼奈何而止八十有子華顛孺慕血泣嗚呼哀哉  
昔以軍招遂吏門下夫人顧憐等以姻婭既饑漳水獲拜于堂温  
然其容雖眷而康曾身其年变故如此何恃之悲



哀哉凡吏于門莫如我久欲知夫人孰出余右街哀辭  
酌茲一觴再拜永訣嗚呼哀哉尚享

祭趙淑人文

朱元晦

人來會公參問舍修容乃聞夫人遽亦薨逝其為駭愕良不自勝  
恭惟夫人克有令德作配君子賓敬齊莊化被闔門怡愉肅穆胡  
不眉壽以永德聲兩殯在堂行道悽惻一觴奉奠少見鄙誠敬想  
淑靈諒垂歆鑒

祭趙淑人文

汪彥章

嗚呼天奪我中饋之良二紀于茲矣墓松垂隔亦復年多幸叨榮  
于朝屢蒙天子恩數喪我賢配命書具有乃消剛辰告于墓下惟  
靈不昧鑒而受之

祭壽光縣君文

其等得罪神明傾奪茲陰萃然孤露駒憤不如日月有期禮當即  
遠攀號莫及糜潰肺肝不敢滅生以死為殉忍羞甘旨如奉晨昏  
瀝血呼天冤訴何所嗚呼哀哉伏惟尚享

祭壽光縣君文

嗚呼太丘之孫懿行藹聞相爾攸矣平陽繼嬪舅姑不逮暮老終  
身歲時祭享必潔以親采蘋其職法度是循嗚鳩其德惟一惟均  
受錫爾邑從爵而君駕生令子事業青雲義方詒訓遂大厥門榮  
巷踰紀勿反其真令終有淑夫復何去牛眠吉卜指日高門墳爾  
既百爾敬伊芬臨岐阻奠用表精勤嗚呼尚享

祭李德素縣君文

黃魯直

嗚呼夫人幽閑靜恭來嬪大家肅肅雍雍嫺德娠賢為世名士人  
皆願然有子如此惟我息女獲羞蘋蘩夫人慈哀教訓拊憐之子  
于歸我胤蠻棘令我憂維夫人德著老就養計音忽傳嗚呼夫  
人胡不萬年絕域羞莫如親酌獻以文代哭靈鑒無遠嗚呼哀哉

祭靖安縣君文

汪彥章

嗚呼余之先人遺息十數事親日長惟余與汝相望卒歲汝遽而

先曾未再稔先人不天嗚呼哀哉天倫去亡誰不痛楚令余此心  
倍極摧苦雖汝福惠不見缺虧出媿高族慶無不宜大邑啓封焜  
燿宗祜而不永年天獨何嗚呼哀哉死如有知從地下遊得侍  
先子承容薦羞顧予纍然越在苦次攀慕無由生孰如死嗚呼哀  
哉人生百年如穴過風况今白首幾不汝從叙訣祖行在此卮酒  
同氣之恩寧復歆否

長老

祭北山元長老

王介甫

自我疆壯與公周旋今皆老矣公棄而先逝孰云遠十方現前饌  
陳告邇世禮則然尚享

祭園明大師文

黃魯直

謹以北焙龍茗海南水沈時果齋蔬致祭于故園明大師無演公  
曰嗚呼萬人之傑千人之英向使爲儒師友琢磨庸詎不爲子雲  
長卿向使爲吏爲師爲長庸詎不爲翁歸張敞雖被佛縛于師有

光筆端舌本什八支即以檀嚴佛能軒輕不作則已作必駭世文  
章記問圖書畫書詩人一爲多獨能兼之一朝棄家文脫其羈浮江  
下峽訪道求師壁言如蒼龍脫其大身留躄髮卷藏白珍往誰出  
家日用世法無作義語覆不淨業行求正眼還我光明作爲雷霆  
以兩四復方行萬里出門折軸清明粹温今見朽骨歸船兩泣天  
容岑岑我羞清供如公初心尚享

祭卧雲和尚文

僧昆融

噫建炎三年我忽顛怪拈下幘頭褫下腰帶夜盜師庭遭師捉敗  
既亡一物空礼三拜自是退思恨弗少解人或稱師道超佛祖量  
廓滄海我則舉杖擊其頭碎人或罵師老不啣留了无能解我則  
撫手仰天慶快况師將行呼我進几珍重良久奄如棄徒人悲无  
窮我笑无已爲甚若此只爲從前較此子尚享

聖宋名賢五百家播芳大全文粹卷第九十一